



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-188-4/23**
Datum: **23.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „GRAKOP“ d.o.o. Kiseljak za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda u prirodni recipijent sa lokacije objekata benzinske stanice i servisa motornih vozila izgrađenih u ulici Gromiljak bb, općina Kiseljak, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE
o vodnoj dozvoli

1. Pravnom licu „GRAKOP“ d.o.o. Kiseljak daje se vodna dozvola za ispuštanje oborinskih onečišćenih voda i tehnoloških otpadnih voda u prirodni recipijent sa lokacije objekata benzinske stanice i servisa motornih vozila izgrađenih u ulici Gromiljak bb, općina Kiseljak, na zemljištu označenom kao k.č. broj: 125/1 K.O Gromiljak, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=120 \text{ m}^3$ sa pripadajućom armaturom za rukovanje, praćenje i sigurnost rada.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa lokacije predmetne benzinske stanice i tehnološke otpadne vode iz servisne radionice za održavanje i popravak motornih vozila odvođe do ugrađenih separatora ulja i naftnih derivata, a zatim preko okna za monitoring ispuštaju u rijeku Crni potok, pritoku rijeke Fojnice.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane u prilogu 1., tabela 1.1. kolona 3. Uredbe o uslovima ispuštanja otpadnih voda u okoliš i sisteme javne kanalizacije.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.9. Prikupljanje, odvoz i konačno zbrinjavanje opasnog otpada sa lokacije predmetne benzinske stanice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.10. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V, tačka 12 i 22 – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „GRAKOP“ d.o.o. Kiseljak, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice „GRAKOP“ d.o.o. Kiseljak se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda u prirodni recipijent sa lokacije objekata benzinske stanice i servisa motornih vozila izgrađenih u ulici Gromiljak bb, općina Kiseljak, na zemljištu označenom kao k.č. broj: 125/1 K.O Gromiljak, općina Kiseljak.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o upisu u sudski registar Općinskog suda u Travniku, broj: 051-0-Reg-23-000322 dana 07.03.2023. godine;
- Ovjerena kopija Uvjerenja o poreznoj registraciji donesenog od strane Porezne uprave - Kantonalni porezni ured Novi Travnik dana 15.12.2016. godine;

- Ovjerena kopija Uvjerenja o registraciji/upisu u Jedinствeni registar obveznika indirektnih poreza, broj: 04/1-UPJR/1-922-2/08 dana 19.02.2008. godine izdatog od strane Uprave za indirektno-neizravno oporezivanje Banja Luka;
- Kopija Rješenja urbanističke saglasnosti za izgradnju tanka i istakališta auto plina, donesenog od strane Službe za gospodarstvo, urbanizam i prostorno planiranje Općine Kiseljak, broj: 03-23-1087/07 od 24.10.2007. godine;
- Kopija Rješenja o odobrenju za gradnju tanka i istakališta auto plina, donesenog od strane Službe za gospodarstvo, urbanizam i prostorno planiranje Općine Kiseljak, broj: 03-23-1088/07 od 30.10.2007. godine;
- Kopija Rješenja urbanističke saglasnosti za izgradnju benzinske crpke i salona automobila, donesenog od strane Službe za gospodarstvo, urbanizam i prostorno uređenje Općine Kiseljak, broj: 03-23-744/03 od 27.11.2003. godine;
- Kopija Rješenja o odobrenju za gradnju benzinske crpke i salona automobila, donesenog od strane Službe za gospodarstvo, urbanizam i prostorno planiranje Općine Kiseljak, broj: 03-23-745/03 od 01.12.2003. godine;
- Kopija Rješenja da su ispunjeni uslovi za obavljanje poslova tehničkog pregleda vozila uređajima i opremom, donesenog od strane Službe za gospodarstvo, urbanizam i prostorno planiranje, broj: 03-27-882/01 dana 24.10.2001. godine;
- Kopija Rješenja o odobrenju za upotrebu objekata za tehnički pregled vozila i servisnu radionicu, donesenog od strane Službe za gospodarstvo, urbanizam i prostorno uređenje, broj: 03-23-587/01 dana 16.07.2001. godine;
- Kopija Ugovora o izvođenju radova na čišćenju separatora i septičkih jama, sklopljen sa „DELTA PETROL“ d.o.o. Kakanj, 14.05.2022. godine;
- Kopija Rješenja o vodnoj dozvoli broj: UP-I/25-3-40-317-4/18 od 31.07.2018. godine, donesenog od strane Agencije za vodno područje rijeke Save;
- Kopija Rješenja o vodnoj dozvoli broj: UP-I/25-3-40-151-4/18 od 03.05.2018. godine, donesenog od strane Agencije za vodno područje rijeke Save;
- Godišnji elaborat temeljem učinjenog monitoringa o ispitivanju količine i kakvoće otpadne vode za GRAKOP d.o.o. Kiseljak, urađen od strane „Herkon“ d.o.o. Mostar, travanj 2022. godine;
- Projekat izvedenog stanja – prikupljanje, tretman i ispuštanje tehnoloških otpadnih voda objekta benzinske pumpe sa pratećim sadržajima „GRAKOP“ u naselju Gromiljak, općina Kiseljak, urađen od strane „Zavod za vodoprivredu“ d.d. Sarajevo, juli 2013. godine (na uvid);
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-188-2/23 od 11.05.2022. godine i konstatovano slijedeće:

Objekti benzinske stanice i servisne radionice sa tehničkim pregledom „GRAKOP“ d.o.o. Kiseljak nalaze se u mjestu Gromiljak, na zemljištu označenom kao k.č. broj: 125/1 K.O Gromiljak, općina Kiseljak.

Na predmetnom lokalitetu nalazi se benzinska stanica „GRAKOP“ sa poslovnom zgradom i sa slijedećim sadržajima: kancelarijski prostor, prodavnica sa naplatom goriva, toaleti, automati za istakanje goriva sa nadstrešnicom, dvoplašni rezervoari za smještaj nafte i naftnih derivata, tipski separator nafte i naftnih derivata, servisna radionica za održavanje i popravak motornih vozila, tehnički pregled motornih vozila, manipulativne površine i parking prostor.

Tehnološke otpadne vode iz servisne radionice za održavanje i popravak motornih vozila i oborinske onečišćene vode sa benzinske stanice prikupljaju se putem slivnika sa slivnom rešetkom i internom

kanalizacionom mrežom odvođe do separatora ulja i naftnih derivata, a zatim preko okna za monitoring ispuštaju u Crni potok, pritoku rijeke Fojnice.

Skladištenje nafte i naftnih derivata se vrši u čeličnim dvoplašnim podzemnim rezervoarima ukupne zapremine 120 m³.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda i tehnoloških otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

- Dostaviti:
- „GRAKOP“ d.o.o. Kiseljak, ul. Gromiljak bb, 71255 Kiseljak
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava